

Te Huinga Mātāpono mō te Ngākau Pono i te Tākaro

Nā mātou o Te Kahu Raunui i waihanga tētahi Integrity Code ā-motu nā runga i tō mātou tūranga me ā mātou mahi ki te whakahaumarua ake, ki te whakamatatika ake hoki i te tākaro i Aotearoa nei. I waihangatia tētahi Integrity Code hukihuki ki ngā kōrero a te rāngai tākaro, tae ana ki ngā kaitākaro me ngā whakahaere. Ko tōna pūtaketanga ko ētahi uara ārahi i ahu mai rā i ngā tikanga Māori.

Kei te whiriwhiri mātou ki te hapori mō te Integrity Code hukihuki, ā, kei te hiahia rongō mātou i ō whakaaro.

Te Take o te Huinga Mātāpono

Ko ngā whāinga o te Integrity Code ko te:

- aukati me te ātete i ngā tūkinotanga i te ao tākaro
- whakahaumarua tonu i ngā tamariki me ngā rangatahi
- whakapai ake i te āheitanga ngākau-pono o ngā whakahaere tākaro
- āta whakatakoto i ngā mahi me oti i ngā whakahaere kia aukatia ai, kia ātetengia ai hoki ngā tūkinotanga, ka mutu,
- ko te whakamārama atu i tō mātou tūranga mēnā ka puta mai ētahi raruraru ngākau-pono e tino kino ana.

Te ātete i ngā whanonga kino i te ao tākaro

He whānui ngā whanonga kino ka kōrerohia i roto i te Integrity Code, tae ana ki:

- te whakaweti, te whakatiwheta, te haupatu, te whakawehi, me te tūkino
- te kaikiri me te whakahāwea
- te reho hemahema,
- me te whakangārahu kēmu.

Te pīkau i te Integrity Code

E akiaki ana mātou i ngā rōpū tākaro ā-motu ki te pīkau i te Integrity Code. Kāore e whakaturea nei te hono atu. Mā te pīkau i te Code, me tutuki i ngā rōpū nei ētahi paerewa pūtake hei aukati, hei ātete hoki i ngā whakawehi ki te ngākau pono. Mā mātou e whakarato he āwhina, he whakaakoranga, he kupu tohutohu hoki hei āwhina i tā te whakahaere whakatutuki i ngā paerewa pūtake.

Ngā paerewa pūtake

Paerewa 1: Aukatia ngā whanonga e whakamōrea nei i te ngākau pono.

Paerewa 2: Whakatinanahia tētahi hātepe whakatau raruraru e whai hua ana, e matatika ana anō hoki, e hāngai ana ki ngā mea e whakamōrea nei i te ngākau pono.

Paerewa 3: Kia wawe te whakahaumaruru i ngā tamariki, ngā rangatahi, me ngā pakeke paraheahea.

Paerewa 4: Kōrero atu ki Te Kahu Raunui mō ngā raruraru e kaha āwangawanga ai te tangata.

Paerewa 5: Mahi ngātahi me Te Kahu Raunui i ngā kaupapa e hāngai ana ki te whakatau raruraru, ngā tūhuratanga, me ngā mahi aroturuki.

Paerewa 6: Tukuna atu he kōrero mō te Integrity Code ki ō mema.

Ko te Integrity Code mā ngā tāngata katoa i te ao tākaro

Mā te katoa o te rāngai tākaro te Integrity Code. Mēnā ka pīkau tētahi whakahaere i te Integrity Code ka whakapā atu ngā kōrero o roto ki ngā mema katoa (arā ko ngā mema takitahi me ngā rōpū), ki ētahi atu tāngata hoki ka whakaae mai kia herea e te Code.

Tukua mai ō whakaaro

Kei te hiahia rongō mātou i ōu ake whakaaro mō te Integrity Code. Tirohia ētahi atu kōrero mō te Integrity Code me te āhua o te whakarite i tētahi tāpaetanga ki haveyoursay.sportintegrity.nz.

Ka kati ngā tāpaetanga hei te 1 o Noema 2024.